

## Radunonza communal dils 20 da zercladur 2022

### 1. Beinvegni

Il president communal beneventa 20 votantas e votants a questa radunonza communal. Culs 5 commembers dalla suprastanza ed il canzlist ein 26 persunas cun dretg da votar presentas.

Tier la gliesta da tractandas dat ei neginas menziuns aschia che quella vala sco approvada.

### 2. Elecziun dils dumbravuschs

Ils proponi vegnan elegi unanimamein.

### 3. Protocol dalla radunonza communal dils 03-12-2021

Dil protocol han ins saviu prender investa en canzlia communal. Igl ei vegniu inoltrau neginas protestas a scret. Il protocol vala tenor artechel 25 dalla constituziun da vischnaunca cun quei sco approbaus.

### 4. Rapport e quen annual 2021

Sco εμπrem vegn votau davart la proposta d'approbar il quen annual.

*Decisiun: La radunonza communal approbescha unanimamein il quen annual 2021.*

Sco secund vegn votau davart la proposta da dar descarga allas autoritads ed al contabilitist responsabel.

*Decisiun: La radunonza communal decida unanimamein da dar descarga allas autoritads ed al contabilitist responsabel.*

### 5. Quen annual onn da scola 2020/21 dil consorzi da scola superiura scolaviva

*Decisiun: La radunonza approbescha unanimamein il quen annual 2020/21 dil consorzi da scola superiura scolaviva.*

### 6. Uorden da scola dil consorzi da scola Falera, Laax, Sagogn e Schluein

*Decisiun: La radunonza communal approbescha unanimamein il niev uorden da scola dil consorzi da scola Falera, Laax, Sagogn e Schluein.*



**7. Reglament d'indemnisaziun per la Cumissiun da scola dil consorzi da scola dallas vischnauncas da Laax, Falera, Sagogn e Schluein**

*Decisiun: La radunonza communal approbescha unanimamein il niev reglement d'indemnisaziun per la Cumissiun da scola dil consorzi da scola dallas vischnauncas da Laax, Falera, Sagogn e Schluein.*

Il president communal siara la radunonza allas 21:15.